



葦 錄

卷之中

解毒	主治	第貳
什器	禁忌	

洋学文庫
 文庫 8
 A 34
 2



特
118
86
(2)



葦錄卷之中

大槻文庫

東奧 玄澤 大槻茂實 著

主治第六

西洋

震旦

○和蘭諸書曰主治分利胸膈痰滯及諸般粘液濁
 飲蓋醫家施許多製法應用諸症者甚多矣今譯削
 墨兒書中所載最要者數條以附之于後云
 ○本草洞詮曰烟味辛氣溫有毒治寒濕痺消胸中
 痞隔痰塞開經絡結滯人之腸胃筋脉惟喜通暢烟
 氣入口直循胃脉而行自內達外四肢百骸無所不
 到其功有四一曰醒能使之醉蓋火氣薰蒸表裏皆

葦錄

卷之中

徹若飲酒然一曰醉能使之醒蓋酒後啜之寬氣下
痰餘醉頓解三曰飢能使之飽四曰飽使之飢蓋空
腹食之充然氣盛如飽飽後食之則飲食快然易消
人遂以之代酒代茗終日食之而不厭也云云凡病
內痞外痺者藉其開通之力驅除寒濕痰滯亦有殊
功云云

○東垣食物本草李時珍補訂曰返魂烟吸主利頭
目解風邪逐惡氣去百病強健身
○本草備要曰烟草辛温有毒治風寒濕痺滯氣停
痰山嵐瘴霧其氣入口云云

○補曰烟筒中水能解蛇毒

○食物本草會纂曰味辛温有毒治風寒濕痺滯氣
停痰利頭目去百病解山嵐瘴氣塞外邊瘴之地食
此最宜凡食烟者將烟納入烟管大頭內點火燒吸
滿口吞烟頃刻而過一身令人通體俱快仍嘔出之
醒能使醉醉能使醒飢能使飽飽能使飢食物之最
奇者

○本草彙言曰味苦辛氣熱有毒通手足陰陽一十
三經烟草通利九竅之藥也門吉子曰此藥氣甚辛
烈得火然取烟氣吸入喉中大能禦霜露風雨之寒

辟山蠱鬼邪之氣小兒食此能殺疳積婦人食此能消癥痞北人日用爲常客至即然烟奉之以申其敬如氣滯食滯痰滯一切寒凝不通之病吸之即通

○醫意商曰烟氣味俱辛性熱有毒入手太陰足陽明二經善治凝寒能解瘴氣最消霧濕有此三功而從來本草未採者蓋霧濕之毒起于海山瘴之氣盛于山凝寒之苦極于此此二邪行至中土而毒微故解此三邪之藥亦不從中土生而無從載也云云其所以盛行者借火力而行藥勢辛先入肺遍走經絡微風暴寒立可吹散又能強行榮衛驟閉寒者

使之暫熱飢者使之暫飽倦者使之暫健車塵馬足之下風雨雪霜之中用少而功速者莫此爲便故喜之者衆也殊不知投之有病者雖有熱毒而病當之矣

○芝峯類說曰採葉暴乾以火熱之病人用竹筒吸其烟旋昂噴之烟從鼻孔出最能祛痰疾下氣且能醒酒今人多種之用其功然有毒不可輕試

○震軒曰其烟從鼻孔出者余幼時見世人服烟者吸烟數口不噴而吞焉少時悉從鼻孔出當時人皆然矣其吸而不吞者此謂伊達多波古或花多

波古只風流奢子徒爲容態吸之實不吸也今世人吞納者鮮矣間老翁有之而已

○本經逢原曰近日目科內障丸中間有用之獲効者取其辛溫散冷積之翳

震軒曰本邦未見醫家用之者惟瘍科有烟草膏一方取青烟葉自然汁與諸藥共加蠟熬爲膏能吸膿蝕腐肉生肌又金瘡出血以絲烟敷之能止血且愈或痔痛甚者用絲烟彈丸大以納肛門內有驗也

○花鏡曰人喜其烟而吸之雖至醉仆不怨可以祛

濕散寒辟除瘴氣

○錦囊秘錄曰烟草辛溫有毒治風寒濕痺行滯氣停痰辟山嵐瘴霧洗膿窠疥蟲人以代酒代茶終身不厭厭則病來嗜則病愈醒能使醉醉能使醒其氣入口頃刻而周一身令人遍體俱快似乎通氣血而暢榮衛者故一名相思草

○怡曝堂集曰烟酒不知所自或曰仙草療百疾或曰能枯腸滌痰然驚之如市頃刻不去手閨闈佳麗亦以此爲餐香茹栢功盛於茶味逾於酒未有識其

故者載于漸岸趙吉士恒夫寄園寄所寄卷七書籍

○物理小識中履曰瀕湖載金絲草或曰即烟履按金絲草出慶陽治諸風血惡瘡涼血不言作烟食其性亦異

○熊人霖地緯曰粵中有仁草一曰金絲烟治驗亦多其性辛散食已氣令人醉故一曰烟酒

○本草從新吳氏醫學迹第三種曰烟辛温治風寒濕痺滯氣

停痰山嵐瘴霧其氣入口循常度頃刻四周一身令人通體俱快人以代酒代茗終身不厭故一名然火氣薰灼耗血損年人不自覺爾聞產者佳烟筒中水能解

本朝

○和漢三才圖會曰南蠻流外科膏藥中入烟草嫩葉汁用能止痛排膿止血殺蟲凡藍及諸草葉生蟲者以烟草莖汁灌之猫犬蛇諸鳥皆惡烟氣獨猿見判烟草抓食

○本朝食鑑曰葉氣味辛温有毒實亦同俗言食子得味嚼汁鹽湯冷水主治通胸膈開胃口拂鬱破悶之類自可解其毒耳消憂解飽固齒牙通二便利九竅開皮毛能令一身之氣而上下之運轉之快利之發散之若有熱病者宜忌之附方熱毒眼痛用黑脂少許以水點之則止剪刀誤傷血出不止者用乾烟草葉敷之壓之而愈

西洋

○西醫削墨兒曰此物性辛烈擇其葉味苛嘗之舌頭如浸蝕者而可充藥用矣主治緩急除痰能愈金瘡又其久不愈變為翻花者或浸淫疥癬及諸惡瘡潰瘍或墜墮撲傷或蟲獸螫傷或上氣面赤眼目翳膜等諸症又有殺蟲之功仁子與葉同功又曰採取其葉熟為綠色者冬日乾貯用右件諸症頭痛或手足疼痛屬風寒症取葉炙之一二回安其患處甚効

齒痛取汁浸棉布置其蝕痛處或為末傅之亦佳手足及一身諸部刀創主之其久而難治者殊効蓋

先以酒或小便洗淋患處以細布拭淨之而傅之得全功

或曰應帝亞國人試効胃虛水穀難消導者且生稟胃氣弱者並取一二葉炙火和阿禮機油此方所呼

爾油者也研勻按腹上胃臍部位大効又應帝亞屬下効之

甘泥跋連人取以為解毒劑其或中毒箭血奔逆不止者及諸金瘡傅之則速消其毒故彼土人行軍時必貯此青汁於器以備不虞云如無生汁則乾葉用之亦可也

此物擇取葉厚者入諸石臼杵取其汁用之開脾藏

痞塞又能融解固結諸症每晨以此按腹上脾部位
有効或為末傅之佳或作膏貼之亦佳

胃痛疝瘕及其餘諸症屬寒者或帶風氣者又乘溫
按其患處則諸痛速退屢試屢効

關節疼痛諸症每日食前取一二葉嚼之能吐涎粘
唾其患除

大飲飽食肚腹脹滿者取一二葉裹熱灰于其中暫之
見其氣徹而按腹上其脹即解

取葉石臼杵之以巾濾過加乳汁沙糖而用諸水銃
方以斷之小兒疳積者以葉煎飲之而斷之

小兒冬月為踵腫蚕蝕者傅之太効其毒微則效
刀創透骨者用之數日能生肌斂口

金瘡腐潰者貼之能除瘀
潰瘍生蚘虫者塗此汁速去

金瘡未經日其毒不深者取此汁及渣塗患處則忽
愈其毒深者先以酒澆之而蘸汁于棉布以覆創則
不日全治尤要淨潔創內外

乾葉功用亦不少其制先揀取葉不大不小色極美
者揀其莖于繩索就陰處乾焉日乾焙乾風乾俱皆
不可也其用之取能乾者為末置香爐中焚之上覆

如轉注者令病者口就之受烟則多吐出粘痰宿水即愈又療水腫焚其末于香爐不用如轉注者開口直吞烟則其水氣能消

子癇症以此物薰兩股橫骨邊則效

有名嗅荅跋菰即鼻者其功甚多尤能開腦髓閉塞

其用之焚乾葉當鼻孔取烟則發嚏而瀉所溢蓄痰

物云是平常所用

每啣是物至吸烟一箇間則治腦髓腫痛又除身體

不遂及卒中等症

取葉杵爛貼諸腫瘍則能膿熟是以其連腦髓開腠

理故也

取葉水擺洗淋頭部諸惡瘡太效

取葉煎為湯入水銃方能療卒中暈倒子癇等

此物能殺蝮蛇虺蛇石龍子等毒蟲試剥蛇皮刺一

葉速死又薰之亦斃

烟油宜吐劑暫時嗅之即嘔或試犬股穿小孔塗油

于小棉撒絲而刺之其犬忽發吐下云

葉色尚青綠者以錫蒸蒸鎰取其露貯之乎硝子器

金瘡腫瘍或冬月踵腫爪甲指腫痛等症浸之棉布

覆患處乍愈

取此物制膏藥其功愈於前所說之生汁一味者今此舉二方

其一方 先揀烟葉潤大色綠青多膩氣者九十六

錢

以棉布拭淨砂土泥穢等物入木臼內杵爛不用加水

和家豬脂四十八錢入銅器內擇去其筋膜用清淨者拌勻內銅

鍋上微火煎煉以水氣盡硬軟得宜為度

其一方 烟草汁九十六錢制法同前但用青汁的去器底所沈之渣的

列並知納

番瀝青

各二十錢

右三味先除青汁內一味於銅鍋上火鎔化俟沸騰

徐徐加青汁煎煉二三時許攪勻不停手以水氣盡

硬軟得宜下火以巾漉過再內鍋不用火加勿耨

茶地的列並知那四十八錢徐徐攪勻至冷凝收諸

器任用

主治金瘡潰瘍岩痔癰疽諸惡瘡能清污緩急生肌

和痛或合他膏藥中用之可也二方功治同

天行疫病屢薰灼此草能避其邪云

作烟油方 就圃中擇取良者杵爛取汁量其多少

加阿禮襪油煎至和勻濾之去滓收貯陶器中外過

銹者

主治粘液濁飲又和堅硬腫瘍

又方 烟草青葉 九十六錢 柝爛 蠟 番瀝青

阿利襪油 各二十錢 羊脂 四錢

右和勻加上好的列並知納廿四錢上火煎煉以棉布濾過收貯

主治金瘡及潰瘍等

蓋余屢試之荅跋菰之為物過服必害或損記臆意識或發昏憤眩暈是無它以其徹透神經而耗消真氣也世人不省以為常用具不須臾離手口余顧恐令強壯者怯弱遂天其天年也意者素自步卒役夫

西洋

之徒所傳播而肉食之人不可忽諸若夫多吸中者須飲彌伊兒酒名或清涼之漿汁以解之神經見于解體新書

禁忌第七

○和蘭人吸蒲湮兒曰蓋荅婆姑之為用也其始惟步卒役夫之徒嗜之云云

震旦

○本草洞詮曰人之宗氣一呼脉行三寸一吸脉行三寸晝夜一萬三千五百息五十周於身脉行八百一十丈此自然之節度也臟腑經絡皆稟氣於胃烟入胃中頃刻而周於身不循常度而有馱疾之勢是以氣道頓開通體俱快然火與元氣不兩立一勝則

一負人之元氣豈堪此邪火終日薰灼乎勢必真氣日衰陰血日涸暗損天年人不覺耳凡病內痞云云若陰虛有火者得之是益之焰矣戒之按本草肇於神農本經三百六十種歷代名賢各有增益至明萬曆間蘄州李東壁著綱目一書廣之為一千八百九十二種而大備矣然未載烟草迄今遂為日用不離之物蓋天地之生物不窮生人之用物亦無窮學者格物寧有窮

○食物本草綱目曰今聞閩廣諸處燒入竹筒吸烟滿口使竅穴俱遍仍噓出之日行二三次去百疾強

健身然夷狄之習豈中國所宜效違令越禮莫此為甚姑錄以備博識者

○本草備要曰火氣薰灼耗血損年人自不覺耳

○食物本草會纂曰多食則火氣薰灼耗血損年不可不慎

○本草彙言曰陰虛吐血肺燥勞瘵之人勿胡用也偶有食之其氣閉悶昏憤如死則非善物可知矣所以陰虛不足之人不宜也

○醫意商曰若平人而酷好之我恐有頃刻之樂而為終身之患也何者肺為清淨之府胃為生化之原

惟與穀食相親醇酒厚味尚能發熱參苓白朮過則為害何況此燥熱之氣哉但用之既少功微而毒亦微積之既久而功去而毒仍在其害實非淺鮮也同志君子能不商其方以解其厄乎

○本經逢原曰知毒草之氣薰灼藏府遊行經絡能無壯火散氣之慮乎云云不可與冰片同吸以火濟火多發烟毒不可以藤點吸恐其有蛇虺之毒也吸烟之後慎不得飲火酒能引火氣薰灼藏府也

○花鏡曰久服肺焦非患隔即吐紅或吐黃水而殞抑且有病投藥不効總宜少喫

○錦囊秘錄曰火氣薰灼耗血傷神故禦寒散濕則有功若火症陰虧者所宜禁也

○肇慶府志曰久服面目俱黃肺枯聲乾未有不殞身者愚民率相習服如蛾赴火誠不可嚴戢之也

○博學彙書曰崇禎先帝禁之至于殺賣烟者以儆之而州縣貪墨之官吏借此名以破人家者不可勝計晚年帝始悔之始諭內外弛其禁言此烟可以代酒而不損人當時至以大辟處貨易者何在廷之無直諫耶今則海內兒童婦女皆用之矣銀筒竹筒吸人口中少頃即醉此則真酒草也

本腹

○物理小識曰皆銜長管而火點吞吐之有醉仆者崇禎時嚴禁之不止云云久服則肺焦諸藥多不效其症忽吐黃水而死

○格知鏡原引本草曰多食烟損容

○和漢三才圖會曰往古無烟草而莫不足多吸之亦不充一芻糧費田圃減穀類故呼曰貧報草元和寬永之比令天下禁種之然不得止竟以立於茶酒之上不嗜者百中唯二三人耳雖有小毒多嗜者亦無害矣阿蘭陀朝鮮琉球人亦皆嗜之

○本朝食鑑發明曰清順治年中吳興沈穆集本草

本朝

洞詮初載烟草曰一名相思草言人吸之則時時思想不能離也味辛氣溫有毒又論四功者詳矣至於臟腑經絡皆稟氣於胃烟入胃中頃刻而云云暗損天年人不覺耳則論烟草之害者亦詳矣然烟草之烟氣聚則薰灼有毒散則發越無痕今人人吸烟吐烟漸至咽喉之間不至胃口而出若有遺薰則時飲湯水嚼汁悉下降而去竭故不受氣火勝負之害者可知矣加旃吸烟草之人得壽者多不吸烟草之人得夭者多是以亦可知若自初不嗜者不耐論是非矣

○一本堂藥撰曰烟草古昔所無而今日滿天下無所不有者莫甚於烟草焉其氣猛烈其味辛辣多醜汗偶喫有毒人醉麻眩倒及喫之慣則半刻不離手口始唯吞烟烟氣入腹必致惱悶今也口裏唯吸入烟却吹出去喫後直吐唾若吞其唾亦多悶及嗜好之耽皆吞其唾無異事矣至習慣之久不啻無醉倒之患而却又有好喜之樂遂至與茶同供滿天下家什必備是具即烟盤又云烟管又云烟吹烟管又云烟吹火器唾壺烟盒烟袋盡美極奇無所不至種蒔必用上田間收多利此雖為工商之奇貨亦不可謂非稼穡之巨害

也予甚惡此物而不禁人之喫之何則以其無害也俗呼怛跋穀即淡婆姑之讀音誤耳○此物在古未洽人間故無其名之可定按本草菴茗為尤近後世盛行呼為烟草本草洞詮以下引書別名畧之

解烟毒第八

○醫意商曰北人曰栳柳解烟毒亦驗總之熱毒發狂用泥漿和藥服萬物歸于土而性解用之亦可○烟性熱治之以寒借火燥治之以潤定法也烟筒為烟煤所塞用砂糖泡湯淋之其煤盡消蓋治烟毒之藥必加砂糖矣○楚中一商性急而初嗜烟閱三月

震旦

五心發熱咳嗽大作百藥不愈予診之六脉俱洪火
症也莫非烟毒乎其人亦悟而曰吸烟則嗽愈甚遂
以麥冬知母山枝花花粉黃芩蘇木甘草萹仁枇杷葉
煎去查入砂糖一兩和服四劑而愈

震軒曰砂糖栴柳能解烟毒世人未知焉本邦人
若吸烟多服眩暈頭痛惡心者飲味噌汁即愈急
卒無汁則喫燒味噌亦良矣烟管為烟脂所壅塞
亦用味噌汁淋之凝滯盡消去

○古今秘苑曰烟膏汚衣用瓜子仁嚼碎洗即去

○本經逢原曰久受烟毒肺胃不清者以砂糖湯解

之烟筒中脂汚衣上滌之不去惟嚼水瓜子仁揉之即
淨其滌除痰垢之力可知世以瓜子仁生痰不亦繆
乎

震軒曰其脂汚衣以味噌熱汁滌之即淨或噉昆
布取汁揉洗之亦良矣

○雜集靈方曰烟水烟查人目小兒及好吃烟者誤
犯此症如將別湯洗眼愈洗愈痛愈擦愈疼必至眼
瞎而止須用乳頭髮或綜纓緩緩揉之即愈○解烟
毒砂糖滾水服

○太上感應篇解證集亦同 綜作駿揉作操

○本草綱目類纂主治必讀曰蒙汗毒人有中此毒者其人不形如醉夢隨即取冷水或飲或浸或喫其面則解遲解亦能死人蓋蒙汗藥乃烟草子所造也

本朝

○和漢三才圖會曰凡人醉烟草者啜末醬汁解之冷水亦可

○本朝食鑑曰烟草之黑脂塞竅不通則味噌汁鹽湯能通之本邦之人常飲味噌汁鹽湯故膠脂自不塞咽喉胃口也哉

○長崎夜話解烟毒方

麥門冬 紫蘇子 瓜蒌仁 枇杷葉 甘草

右五味等分水煎去渣入砂糖一兩和勻服甚効

什器第九

震軒烟草考附錄烟具

所謂盒管爐壺盤也盒以納縷烟管以吸烟爐以貯火壺以棄烟糞盤總載四者之器也又有兼備

香箸灰押漢人此謂香抄小羽帚者也

烟盒 茂質補 烟袋 蒿包

俗謂烟草入也多用漆器或陶窰或曲輪漢人此謂卷環

梨地漢人此謂噴金蔣繪漢人此謂描金彫紅螺鈿及銅鍮紙器

俗所謂張子之類也等其形容不一各從所好用之納縷烟居盤上

烟管

補

吹管 烟筒 芬吹 烟吸 起世里 二名清人譯和名者

一名烟筒俗謂幾世留也竹管謂羅字皆番語也其製中間用小竹如箭稍大長尺餘兩頭用金銀銅鐵鑰等一頭長三寸許其頸屈曲向上似如意形俗謂雁頸烟管頭頂上有小盞以為納烟處俗謂火皿其一頭長三寸許其末殺銳有小竅與管頭相通以為吸烟處俗謂吸口漢人此謂烟管尾烟管稍又有首尾全用金鐵者此謂金幾世留但御管不得

用竹皆用木管以紫黑檀及黑栲橡等堅質之木造焉其大如竹管其兩頭同常管凡管長大者烟味柔和小短者烟味苛烈其長短大小各從所好也或美飾之者用彫鏤堆朱蔣繪梨地等之管徒可娛目何益烟味漢人用竹管其說見沈或彫管或犀管陸尹達有項承彫管之贈切當碧管之勸之語又曹廷對有錦囊時呈犀筒類吸之語紅毛管甚長有三四尺者又有瓷管甚脆易折不堪用又不用管將全葉去中筋分為兩片重卷如管一頭點火從一頭吸之此謂卷淡婆姑按本邦烟管處處造焉京師大佛門前三條橋東江州

水口同州坂本及四十九院肥前後兩州奧州仙
臺此最有名而大佛管遍寰宇其製各少異其形
容又有後藤竹肥後尺書院數寄屋公平鶴鴿小
柳槿花野老土佐小雀懷中中續曆卷管小泉倒
輪隱居二朱問屋瓢箪管等之品其形容不同也
又盛烟有可多裝一倍可多裝兩倍者漢人謂一
服為一箇不能悉記矣

烟壺

俗謂灰吹也以棄烟燼俗謂吸殼也漢人此
謂烟羹且以吐唾其器用唐金或瓷器長三寸許大一寸餘其

形容方圓不同或用青竹筒以清潔不穢屢易改
換也

烟爐

俗謂火入也以貯火大小高低方圓不一其製有
銀鍮唐金及瓷器等之異也宜稍大者以能貯火
久之不滅也其小者不堪養火也

烟盤

補

芬盤

四貓哥蒙

打馬高望

二名見于清客寄語

大小長短不同有方者有圓者有提者有四輪者
有高者有卑者形容不一或素質或曲輪堆朱螺
鈿蒔繪梨地唐金朱黑漆等各從所好造焉○出

攝州有馬者皆以竹製之出駿州府中者多提盤切烟之具有切盤切板押板卷板烟刀等之器今略之不記也

補

○食物本草會纂曰吸烟之管不一有金銀銅鐵四種長約七八寸竹管短者一二尺長者丈餘好事者以吸管長遠則烟來舒徐為美

補 烟管諸國異名

○吉設兒俗呼雁頸烟管尾謂斯乙古做頭
烟筒 吹管 芬吹 烟吹 頭其尾吸烟處謂大
管 稍 國 峇跋古斯百伊不和蘭 峇把歌界荊
○界荊拂即 鐸羅不革 昂而 魯西
又 倭列鳥 多鳥 安南 但越 地山丹
○列鳥

焉錄卷之中畢

追補主治門第六

本草從新增訂烟宣陽氣行經絡治山嵐瘴氣自註

明時征滇深入瘴地軍中皆染病獨一營以服烟得

免由是徧傳遠邇人皆服之矣寒濕陰邪辟穢殺蟲

搗汁可毒頭虱其性純陽能行能散

禁忌門第七

同書曰火氣薰灼自註最燥肺陰今患喉風咽痛嗽

血失音之證甚多未必不由嗜烟所致耗血損年衛

生者宜遠之

木下道圓烟草詩引補遺曰按食物本草會纂火部

烟草火之條其說又詳亦謂閩產者佳一一石門產

者為下者是不如吾邦名烟之多乎謂蓋露味最美

者是摘去頂穗一一一聚力於葉也謂取葉曝去

筋一一一貿易天下者欲其剛乎謂名有真建假

建之分蓋露頭黃二黃之別者辯疑似也謂北方製

不切成絲一一一揉碎作末納烟袋中者異常製

也謂吸烟之管不一一一長約七八寸者長於

今製也謂竹管一一一為美者其累不可謂尤可

憎之甚也又按林膚齋希逸所撰考工記解或飾力

以長地財註飾力則無惰游之民田畝之間最爭人

力_ラ人_ニ力_ヲ所_レ及_ニ無_ニ高_ニ下_ニ地_ニ財_者財_皆自_レ地_而生_稼穡_是
 寶_亦此_財之_意噫_是稼_穡是_寶則_作蓋_露者_尚溫_費
 地_力也_可觀_漢初_禁未_作日_本未_聞有_蓋露_又會_纂
 曰_相傳_海外_鬼國_{一一一}故_{一名}返_魂草_是怪_異
 也_抑欲_神其_功而_附會_之乎_稱昔_則自_古有_此草_乎
 然_主治_稱多_食則_耗血_損年_不可_不慎_則養_性者_可
 不_注心_哉

此草火之精其精又精在睛開義恭到上上門我

